

皇明通紀法傳全錄

皇明通紀法傳全錄卷六

東莞 陳建 輯 西湖 高汝拭 訂

高 陽 煥 正

壬子洪武五年正月 上以天下一統惟雲南爲故元遺孽梁王把匝剌兀爾密所據特遠弗臣遣翰林侍制王禕行參政吳雲持詔往招諭之禕由使吐蕃方召還更有是命或謂禕文學詞臣不宜遠蹈不測之境禕慷慨卽就道及至雲南見梁王君臣諭以 皇上聰明神聖若亟奉版圖歸職方則高爵厚祿身名俱全奈何欲以一隅爲中國抗倖之別室廩餼有加數日又以陳

友諒張士誠陳有定明玉珍擴廓帖木兒等強暴或死
或降或竄曾無用武之地不煩一刀而天下大定雖爾
元君亦北走以死先服者受重賞負固者戮及宗乃今
自料勇悍驍狠孰與陳張土地甲兵孰愈中國度治籌
義孰與天朝推亡固存孰與天命天之所廢誰能興之
若不降皇上命龍驤百萬會戰昆池如魚遊釜中不
亾何待梁王君臣相顧駭愕有降意○命自今官吏犯
贓罪者無貸上嘗曰贓弊不革欲成善治終不可得
故有是令○命賑給無告老幼男婦○命給僧道度牒
○追楊載詔諭琉球○江湖諸州蠻寇叛亂命江陰侯

吳良爲征南將軍。帥師討平之。○發兵戍遼東。命靖募
侯吳順總舟師數萬。由登萊輔運以餉之。○復召薛顯
命造鐵券給賜。○上御武樓。與諸將籌邊事。中書左
丞相徐達進曰。今天下大定。民庶已安。北虜歸附者相
繼。惟王保保出沒邊境。今復遁居和林。臣願鼓率將士
以勦絕之。上曰。彼沙漠一窮寇耳。終當絕滅。但今敗
亡人衆。遠處絕漠。以死自衛。困獸猶鬪。况窮寇乎。姑置
之。諸將曰。王保保狡猾。狙詐使其在。終必爲寇。不如取
之。永清沙漠。上曰。卿必欲征之。須兵幾何。達曰。得兵
十萬足矣。上曰。兵須十五萬。分三道以進可耳。上

又戒之曰。卿等力請北伐。志氣甚銳。然古人有言。臨事而懼。好謀而成。今兵出三道。當益思戒懼。不可輕發。達等遂受命而行。○臨行。上謂諸將曰。今天下一家。尚有三事未了。其一。歷代傳國璽。在胡未獲。其二。統兵王保保未擒。其三。前元太子不知音問。今遣汝等分道征之。大將軍徐達。總中道兵。湯和等副之。出大同。趨和林。宋國公馮勝。爲征西將軍。傅友德。陳德。爲副。總西道兵。出臨洮。攻甘肅。曹國公李文忠。爲征虜將軍。顧瑄。曹良臣。爲副。領東道兵。出北平。攻上都。每路兵十餘萬。○徐達等兵入沙漠。糧運不繼。師疲而還。馮勝等遇元岐王。

兵于別力篤山力戰敗之斬首二千級西取甘州趨西涼敗元將失刺罕之兵至永昌又敗元將朶兒只巴於虎刺牢口進拔肅州元平章不花戰死降太尉瑣納兒等獲馬萬疋至瓜沙州敗其守將取亦集乃路敗俞寶丘勝等分兵戍守扼塞關塞而還○李文忠等兵擣應昌進可溫河至哈刺莽來虜連遁去文忠曰兵貴神速千里襲人難多重負乃留韓政駐輜重於驢駒河令士卒各持二十日糧兼程並進至土刺河元將哈刺張蠻子列騎以待文忠督兵與戰馬中流矢下馬持短兵接戰部將李榮以所乘馬授之文忠得馬氣益厲遂力戰虜

天祐大奇

曹良臣死

御。迨至騁海。虜來益衆。文忠據險爲寨。示以單弱。虜疑有伏。遁去。軍還失故道。乏水渴死者衆。文忠患之。至哥今麻思出野尋水。脉忽所乘馬以足跑地。泉隨湧出。三軍賴之。顧時與文忠分道入沙漠。迷失道。糧且盡。遇胡兵士卒疲乏不能戰。時奮厲獨引麾下數百人躍馬大呼。衝擊胡兵敗走之。士卒復大振。曹良臣至阿魯渾河。孤軍深入與虜戰沒事。問上痛悼之。追封安國公。○陳理明昇居常鬱鬱不樂。頗出怨言。上聞之曰。此童孺輩言語小過不足問。但恐爲小人蠱惑不能保其終始。宜處之遠方。則繫隙無自生。可始終保全矣。於是徙

范得輟車

征洞蠻

立孤老院

之高麗遣元樞密使延安答理護之而往俾高麗王善待之○令山西北平河南山東各造獨輟車一千八百兩以備軍用○夏辰州一十八洞及九溪九渡水米坪散毛柿溪等洞蠻夷作亂連結相扇侵掠旁郡命衛國公鄧愈爲征南將軍楊璟爲副率兵討平之凡克四十八洞○復命江陰侯吳良率寶慶衛指揮胡海等征銅鼓五開潭溪漕滴騰浪篤莫洪州古州等處蠻寇誅其首惡撫其餘黨使復業凡平峒寨二百餘所皆編戶附籍自是溪洞蠻夷畏威懷德輸租賦奉法令地方遂安○詔天下郡諸縣立孤老院民不能自生者許入院贍○

養

本以養窮而令漸以為情民之資
奸民之數耳亦大失聖祖美意

行鄉飲酒

上以海內宴安思化民俗以歸千古乃詔各有司舉行鄉飲酒禮

獻嘉瓜

六月旬容縣民獻嘉瓜二同帶而生禮部尚書陶凱奏

同達至理

日禎祥實由聖德上曰朕寡德不敢當之且草木之祥生於其土亦惟其土之人應之於朕何與若盡天地間時和歲豐乃王者之禎也○秋琉球國瑣里國各遣

使朝貢

免秋糧五

十月詔免應天太平寧國鎮江廣德今年秋糧○內使

奏增飼虎肉。上曰：養牛以供耕作，養馬以供騎乘，養虎欲以何用，而費肉以飼之乎？命以虎送光祿，他禽獸悉縱之。○以宋濂爲太子贊善大夫。先是濂坐失朝，降編修，改司業，又坐考祭孔子禮遲慢，謫安遠知縣。未幾召爲禮部主事，遂擢是職。○占城國王阿荅阿者遣其臣達班瓜卜者來朝，奏言安南以兵侵其境土。上命中書省移咨講和。未幾陳叔明以兵收其腹心，殺之。遂及煜于是遣其臣阮汝霖奉表貢馴象，而其表忽署陳叔明之名。主客曹已受其表，將入見時，曾魯取其別封閱之，曰：「前日陳日煜爾，今驟更其名，必有以也。」亟白尚

書詰之汝霖不敢諱曰日煜爲叔明所逼而死遂篡其位心懷懼故托修貢以悅朝廷之意禮部以聞上曰島夷何敢狡獪如此却其貢不受命學士宋濂草詔責之

吳棧曰大都叔明所爲類于州吁屢伐占城其卽文仲之數伐仲平况其君臣請詐也國家兵力未舉使篡賊得以專土虐民哀哉

定四川茶鹽之制○高麗國王請遣子弟入大學上謂中書省曰高麗欲遣子弟入學此亦美事但其涉海遠來離其父母未免彼此懷思爾中書宜令其國王與羣下熟議之果願遣子弟入學爲子弟者果聽父兄之

開府

命無所勉強，卽遣使護送至京。或一年，或半年，聽其歸省可也。○以西學教授高啓爲翰林院編脩，啓力學能詩文，好權畧，每論事輒傾其座。元季張士誠開府平江，文士響臻，啓由臨安渡吳，遂家焉。時僥介之輩以詞學自雄，啓旁睨自若。見啓詩，大驚，禮爲上客。上聞其名，一日薄暮，御闕樓召見。見其人身長七八尺，與語聽其辨博，馳騁上下，精采煥發，大悅。入局，修元史，擢爲翰林編脩。元史成，轉戶部右侍郎，尋辭歸，仍賜內帑金，給牒放還。

吳棫曰：國初詩家，高啓、張徐稱吳中四傑，惟啓才具闊，翻風骨，刊氣，遠過宋元雅。堪稱補昭代，啓原汴人，南

先任陳寧
奇醜觀一
以資以爲
政明教化
止風俗邪
中翁然

渡隨蹕家下臨安山陰因元亂趙吳侯其外舅周仲
達居于松江之青丘遂號青丘居士云故其詩曰我
家本出勃海王子孫散落成來錢塘則爲浙
人無疑矣此係一代開國諸宗故詳記之

以禮部主魏觀爲蘓州知府○都督藍玉遇王保保于
土刺河擊敗走之○南寧指揮左君弼覈民之無籍者
爲軍又縱所部軍士入山伐木民多驚擾于是宣化盜
起劫南寧府詔發廣西官軍討平之仍命大都督按罪
君弼而禁戕其卒○作鉄榜申戒公侯申明律令其日
有九惟恃功載
匪犯人比同○命工部造紅牌鐫戒諭后妃之詞懸之
一死斬罪
官中○高麗王顯遣其尚書吳季南于溫奉表貢馬及
其方物言耽羅國恃其險遠不奉朝貢及多留蒙古人

編秋糧六

農桑學校
教養之節
務也是以
聖王先之

通逃所聚恐爲寇患乞發兵征討上賜單背止之○

元都旣平或有勸上取遼東者上曰力不施于所

緩威不加于所畏遼地旣遠不必川兵天下平定彼當

自歸已而元遼陽行省劉益果以其地來降今蒙古平

章高家奴又相繼而至靖海侯吳楨遣人護送至京○

詔○蠲應天太平鎮江寧國廣德五府秋糧○令有司

考課以書農桑學校之績○禮部侍郎曾魯卒

初魯與修元史書成上進帝坐端門諸史臣俱有

自金東帛之賜魯以功最居首將乞身還山舍開局

編類禮書衆以老成之士無踰于魯共堅留之議禮

有如聚訟魯當衆言沸騰中揚言曰某禮宜據某書

某說者是從某說者非有不服者爭相執詆魯歷舉

傳記答之各心服而去俄遷禮部主事面折安南使

臣月去傳錄卷六高皇帝

臣之好至是上問丞相曰曾魯在禮部今何職對曰主事上命即日超六階為本部侍郎未幾致仕

癸丑洪武六年正月守令來朝上賜酒候明日陞拜

復諭以勉修厥德廣施惠政○置六科給事中掌叅駁

糾劾之事○金陵城完上與劉基同閱視上曰城

高若此非人可踰基曰殊非燕能飛入耳後燕王入金陵遂符此

徵孔克表為翰林修撰克表溫州平陽人孔子五十五伐孫也博學篤行前元至

正戊子進士○黜丞相汪廣洋為廣東行省叅政○詔天下

鄉貢舉人罷會試開文華堂於禁中選舉人年少質美

者張唯等十七名肄業其中上召見便殿親命題賦

吉士之選
經典于此

小人為聲
色之媒
聖訓詳詳
逸之所見

詩稱旨。皆擢翰林院編修。命入堂中讀書。詔儒臣桂彥
良、宋濂分教之。命光祿日給酒饌。每食皇太子親王
迭為之主。唯等侍食。左右冬夏賜衣。時賜白金鞍馬。寵
錫甚厚。又選成均之秀入武英堂。俾練習政事。蔣學方
徵、彭通、宋善、唯吉等皆拜給事中。○德慶侯廖永忠請
令廣洋等四衛宜造多櫓快舡。備倭從之。○命魏國公
徐達、曹國公李文忠往山西北平。練兵防邊。○上謂
儒臣詹同曰。聲色乃伐性斧斤。朕觀前代人君。以此敗
亡不少。蓋為君居天下之尊。享四海之富。靡曼之色。窈
窕之聲。何求不得。苟不知遠之。則小人乘間納其淫邪。

不爲迷惑者幾人。况創業垂統之君。爲子孫之所承式。尤不可以不謹。同對曰。不遜聲色。成湯所以垂裕後昆。陛下此言。乃端本澄源之道。誠萬世子孫之法也。○安南陳叔明遣使奉表謝罪。及貢方物。請封爵。賜之紗羅夏布。遣還。○江西行省商民。坐沮壞鹽法。刑官擬以亂法罪當死。上曰。愚民無知犯法。猶赤子無知入井。見者莫不測惕。豈宜更以死罪論之。法司執奏不已。上曰。有罪而殺。國之常典。然有可以沮壞鹽法。原其情。不過爲貪利耳。以無殺彼愚民。他心乃悉免死。輸作臨濠。

駕幸姑

國初已然
況今日乎
文詞之弊
極矣故近

二月以監令唐元亨爲太僕寺卿監丞孫模爲少卿命
應天廬州鎮江鳳陽等府滁和等州民養馬北以便水
草一戶養馬一匹江南民十一戶養馬一匹官給善馬
爲種率三牝馬置一牡馬每一百匹爲一羣羣設羣頭
羣副掌之牝馬歲課一駒牧飼不如法至缺駒損斃者
責償之其牧地擇旁近水草豐曠之地以時牧放游牝
秋冬而入寺官以時巡行羣牧視馬肥瘠而勸懲之任
滿吏部考其息多寡以爲殿最焉○閱武教塲諭諸將
毋得縱恣害民○上諭中書省臣曰朕設科舉以求
天下賢才務得行修文質相稱之士以資任用今有司
皇明法傳錄卷六高皇帝

日功令舉
存野具孝
廉雖法宿
弊楚法祖
也第恐所
舉者或由
親如武內
略暗如正
統時拜官
公家而謝
恩私室者
又不勝其
病也
察舉防求
之令廢下
我聖祖
真以賢才
為性命者

所取多後生少年觀其文詞若可與有為及試用之能
以所學措諸行事者甚寡朕以實心求賢而天下以虛
文應之非朕責實求賢之意也今各處科舉宜暫停罷
別令有司察舉賢才必以德行為本而文藝次之庶幾
天下學者知所嚮風而士習歸於務本○上又命吏
部訪求賢才於天下曰世有賢才國之寶也古之聖王
恒汲汲於求賢若高宗之於傳說文王之於呂尚二君
者豈其智之不足也而遑遑於版築鼓刀之徒蓋賢才
不備不足以為治鴻鵠之能遠舉者為其有羽翼也蛟
龍之能騰躍者為其有鱗鬣也人君之能為治者為其

昭鑒錄成

以正心爲
主與王道
之要

有賢人而爲之輔也。今山林之士。豈無德行文藝之有
稱者。宜令有司采舉。備禮遣送至京。朕將任用之。以圖
至治。○命禮部尚書陶凱等。采摭漢唐以來藩王善惡。
可爲勸戒者。爲書。書成。賜名曰昭鑒錄。以頒賜諸王。○
召桂彥良爲太子正字。入侍大本堂。上嘗從容諮以
治道。彥良對曰。道在正心。心不正。則好惡頗。好惡頗。則
賞罰差。賞罰差。則太平未有期也。是以君人者。將忿怒
是務去時。上懲元氏。以寬縱失天下。立法甚嚴。臣民
有犯必誅。無輕貸者。蓋卽周禮所謂刑亂國用重典之
意。上謂彥良曰。法數行而數犯。奈何。對曰。用德則逸。

聖祖深知
桂公至枚
卜何以舍
之而用汪
胡

德威所及
無遠不屆

祖訓錄成

羅帖木兒

用法則勞法以靖民則民勞而弗靖德以靖民則民靖
於德矣他日彥良侍上曰卿何官曰正字上曰卿
帝者師也又一月謂彥良曰江南大儒惟卿一人對曰
臣不敢當宋濂劉基上曰濂文人耳基峻隘不如卿
也彥良受知於上如此○大軍出鴈門西北巡長城
外傅友德為前鋒虜聞之絕塞而遁追獲故元平章李
五月祖訓錄成上親為序其目十有三曰箴戒曰持
守曰嚴祭祀曰謹出入曰慎國政曰法律曰內令曰內
官曰職制曰兵衛曰營繕曰供用命頒賜諸王且錄于

謹身殿東廡乾清宮東壁。仍令諸王書於王宮正殿內
宮東壁以時觀省。○ 上以天下既平，薄海內外幅員
方數萬里，欲觀其山川形勢，關檄阨塞，及州縣道里遠
近，土物所產，遂命各行省，每於閏年繪圖以獻。○ 以大
子贊善宋濂爲翰林學士。○ 上命禮官參考歷代帝
王有功生民者，立廟祀之。禮部尚書牛諒奏：三皇開天
立極，有大功德於民。京都有廟，春秋享祀。伏羲以下，九
君宜令有司就各陵立廟，每歲致祭。商中宗以下十五
君宜令有司立陵廟，三年一祭。上曰：五帝三王及漢
唐宋創業之君，俱宜於京師立廟致祭，其餘守成賢君

令有司祭於陵廟。皆每歲春秋祀之。遂建帝王廟於京師。○奪誠意伯劉基祿。先是基言於上溫處之間。有地曰談洋。僻絕巖險。南抵閩界。曰三魁。鹽盜淵藪。方氏所由基亂。基奏設巡簡司蒞之。盜不便也。相率挾戍守卒以叛。大豪復陰爲主。基遣璉奏上其事。皆不先關白。中書時胡惟庸爲丞相。旣以舊語相恨。適有旨逮豪猾吏。惟庸乃使刑部尚書吳雲劾基以談洋踞山面海。有王氣。欲圖爲墓地。民弗與。則建立司之策以逐其家。遂爲成案。以奏。上下之有司。惟庸請加以重辟。又欲逮基于璉獄。○聖王上皆不聽。惟奪基祿而已。旣而基入朝謝。

辨姦錄成

纂脩大明
曆日

恩遂居京師不敢歸。○以臨江侯陳德爲總兵節制諸軍。仍出塞外。敗虜兵於三公師。還駐陝西。秋師再出。合戰於亥刺河。又敗之。斬擒無算。

七月。以左丞胡惟庸爲右丞相。中丞陳寧爲御史大夫。○真臘國王忽兒那遣使來朝貢。○命宋濂搜萃歷代姦臣之蹟。編爲辨姦錄。分賜太子諸王。

八月。命詹同、宋濂等纂修大明日曆。○詔西番吐蕃各族酋長舉故有官職者。至京投職。賜印俾。因俗爲治。以故元攝帝師喃加巴藏卜爲熾盛佛寶國師。分設烏思藏、甘朵衛二都指揮使司。自指揮宣慰招討等司。及萬

皆宋問立
即日奏辨
於滿美古
三陽然矣

戶府千戶所九三十三處以官其酋長自是蕃僧有封
爲灌頂國師及贊善王闍化王正覺大乘法王如來大
寶法王者俱賜印章誥命領其人民間歲朝貢

九月賜臨濠造作軍士衣米上念凡有興作未免資

軍民之力土木之功亦甚難集加給米五斗衣一襲令

不至饑寒○上命儒臣擇唐宋名儒表箋可爲法者

遂以韓愈賀兩表柳宗元代柳公綽謝表進上命中

書省臣錄二表頒爲天下式○上謂皇太子曰人君

統理天下人情物理必在周知然後臨事不惑吾自起

田里至於今日凡治軍旅理民事無不盡心恒慮處事

未當。故常淡念。古人爲治。必廣視聽。凡言之善者。吾卽行之。不善者。吾雖不行。亦思繹至再。果不可行。然後置之。夫慮事貴明。處事貴斷。庶幾不眩。况汝生長宮掖。未涉世故。若局於聞見。則視聽不廣。且目雖能視。所見不踰於國耳。雖能聽。所聞不越於庭。而欲以區區知識。決天下之務。能一一當理難矣。汝宜親賢樂善。以廣聰明。逆已之言。必求其善。順已之言。必審其非。如此則是非不混。理欲判然。因命所司常事。啓皇太子。重事。廼許奏聞。○上畱心經籍。以爲經之不明。傳註害之。傳註之害。在乎辭繁而旨淡。乃命翰林修撰孔克表等。取羣

高廟看書
竊論其行

不盤故常

每排朱文

公集註呼

為宋家迂

獨老儒

前行大明
律一律也

斟酌詳定

矣徒親為

損益務求

至當何快

重乃尔

經要言析為若干類以恒言釋之務盡聖賢之旨意又

慮諸儒臣未達註釋之義親製論語解二章以賜俾取

則書成上賜名曰羣經類要

十月涼州虜為邊患都指揮宋晟率兵討之追至亦集

乃斬其渠帥也速兒并部落甚眾又招降偽國公吳把

都等萬八千人○李文忠將兵屯代縣山朔州擒元太

尉伯顏不花○上既頒行律令恐輕重失宜有垂中

典命大理寺卿周楨等解其義頒行民間既又命儒臣

同刑官共講唐律目錄二十餘條以進上為斟酌擇

其可行者從之至是重命刑部尚書劉惟謙詳定篇目

命曰大明律。上親爲損益務求至當。命揭於兩廡之壁。并頒行天下。○潞州遣官貢人參。上謂之曰。朕聞人參得之甚艱。豈不勞民。今後不必進。如用當遣人自取。因謂省臣。往年金華進香米。朕命止之。遂於死中種田數十畝。每耕耘割穫之際。親往觀之。足以自適。及計所入。亦足供用。朕飲酒不多。太原進葡萄酒。自今亦令勿進。國家以養民爲務。豈以口腹累人哉。嘗聞宋太祖家法。子孫不得於遠方取珍味。甚得貽謀之道也。

十二月。雲南梁王君臣聞王禕之言。已有降意。命員外郎賈寬改館奉禕。適元有遺孽。自立於朔漠者。遣侍郎

王子充有濟世之才不獨文名而已也使柄事權當必可觀

隨何使九江能殺遂使而與布絕域能殺向斌之使而烏孫軌藩禮子充豈無其權勢與亦以時勢之末可也其大

脫脫自西番來且徵糧餉欲連兵以拒我師。覘知梁王有二心因以危言逼梁王使殺祿以固其意。梁王持兩可未決命司徒達里麻匿祿於民間。脫脫聞之因謂梁王曰國家顛覆而不能救反欲遠附他人耶。躍馬而起梁王不得已出。祿見之脫脫欲以威屈祿罵曰天迄汝元錄我朝實代之譬燭火餘燼尚欲與日月爭光乎。我特遠來豈爲汝屈。今惟有死而已。或解曰兩國交爭不殺來使不從則遣之彼何罪焉。况王公材器天下無雙。宜有以全之。脫脫曰今雖孔子在義不可。爾梁王不能救祿顧謂之曰汝朝殺我大兵夕至矣亦不聽遂遇害。

附錄
代增補矣

安坐而食
其害小惑
世蠹民其
大有飛行
藉通經典
者多有著
入

時二十有四日未申時也達里麻陳物真祭左右具衣冠斂之卽昇至地藏寺漏澤園中化之以火遂無有知其葬所者○時崇尚釋老徒衆日盛上惡其安坐而食且惑世蠹民令郡縣止存寺觀一所併其徒處之擇有飛行者領其事若請度課必考試精通經典者方許又以民家多以女子爲尼姑女冠自今年四十以上者聽未及不許著爲令

甲寅洪武七年春建閔江樓於京師之獅子山山在金川門內上昔屯兵立黃赤一幟破陳友諒之所也樓成上親爲之記○命曹國公李文忠總兵北伐文忠

駐代縣，遣將各山至三不刺者，擒其平章陳安禮、木屑飛至順寧陽門者，斬其將珍珠驢至白登者，俘其國公李羅帖木兒。○洪武五年五月，海賊李夫人、鍾萬戶、徐仙姑叛於海晏下川，大儋文持等地。璟同指揮范懷帥舟師勦捕，至陽江海陵，并上川驚惶門，遇賊擊敗之，斬僞總兵鍾福全、李夫人，賊衆一百七十人，焚其船。雷州東海澗沙頭洋有海陵海晏賊船，劫掠於通明浦。徐聞縣璟率舟師至斷頭山，遇賊出洋與戰，殺溺甚衆，擒其僞總兵等二十八人，斬於軍前。又令雷州衛千戶王潛等追捕賊羅已，終於潘浦，殺海陵賊二百餘人於三川。

縣東洞洲獲賊首譚南受等三百八十人於翁家港擒賊首梁許進又會海南官軍追已終於烏雷門畧無踪跡頭目請降遂安撫其民而還後安南國雲屯海鎮報云終已爲賊所殺衆潰散璟率原部舟師還衛○廣西中書行省左丞方國珍卒○上御西廡命講大學衍義先是上以真德秀大學衍義令左右大書兩廡之壁時時觀覽及是御西廡大臣皆侍坐上指衍義中言司馬遷論黃老事令宋濂講拆俾在坐者聽濂推說明白復言漢武嗜神仙之學好四夷之功民力旣竭又重刑罰以震服之上曰朕之爲君上畏天下畏兆

民兢兢業業不敢自逸宋濂對曰陛下此心乃古先帝王之心也慎終如始天下幸甚

上嘗御齋宮宋濂侍上問三代曆數封疆條短廣狹濂歷歷言之又曰三代之治天下以仁義故歷世之多後世莫及又嘗從容語濂曰皇太子留心治道卿等宜常議論庶廣見識幸善調護之意太祖改政於天民復倦倦於主器誠萬世人君之法也

擢太原府繁峙縣主簿于文采為大同府知府時文采

國初用人或超遷或

調外不拘資格如此

元末倫莽不明故

上言山西行省并按察司官吏事多不法按有驗上曰文采職居下僚能不避權勢舉言其非可嘉也陞擢以旌異之○詔免平陽太原二府并汾州等縣今年田租○蘭州八里麻民郭買的反詔立賞格購捕之蘭州

聖主因其
故以開之

倫紀為重

殺兄者當
之是實奸

罪

衛遣其兄着沙與其弟火石反往招之郭買的不從着
沙火石反夜斬其首以歸本衛以其事聞請賞之上
曰買的罪固當死然為弟兄者告之不從執之而已手
自办之有乖天倫非所以令天下也但以其所獲牛馬
給之耳○寶慶衛指揮胡興丘廣左君弼等討左江黃
英餘於十萬山七峒口又取蜀之龍伏隘擒任文華攻
天門山獲元帥等守益陽又率兵於武岡飛雲山寨及
新寧邑內石鶴金節等處梟賊首楊子貴唐新等殺寧
賊羊惡鬼作亂討捕之又調阮岳兵進下五開潭溪太
平山六培山皮林洞龍塗山栗家寨大水上洞諸險寨

及曹滴拘騰浪篤莫長林保息等山洞苗賊斬首吳金
傳吳大楊大豪石巴良等三百人并部伍首級四百九
十招諭曹揚騰浪篤莫長林保息十二洞人民九百四
十餘戶至是陞僉大都督府事

四月都督僉事藍玉率兵攻興和故蒙古將脫因帖木
兒棄城走○永道桂楊諸州蠻寇竊發命金吾右衛指
揮陸齡討平之○上巡幸中都改中立府爲鳳陽府
徙府治於新城賜名鳳陽者以其鳳凰山之陽也

五月詹同宋濂等纂修大明日曆成又擇言行之大者
爲皇明實訓

大明曆日
成
皇明實訓

七月李文忠領兵攻太寧高州大石崖克之斬故元宗王朶朶失里擒承旨百家奴

八月師至豐州擒胡官十二人部衆百餘人馬駝牛羊以萬計。王敗走追斬之獲其妃蒙哥及其金印并斬其司徒答俊海平章把都知院忽都等。○西域卜烟帖木兒遣使來貢鎧甲刀劒等物詔賜以織金文綺并羅衣一襲

卜烟帖木兒者撒里畏兀兒者鞬鞞別部也其地廣袤千里去甘肅一千五百里東抵罕東西距天河里北趨瓜沙州南界土蕃居無城郭以毡帳爲廬舍產騾馬牛羊至是來朝

海上俟寇有警命靖海侯吳禎率沿海各衛兵出捕至

今有春泥
秋泥雨防

流球大洋獲倭寇入船伴送京師○時有人上書言鎮守北平淮安侯華雲龍之過者上命都督何文輝代之雲龍回京卒葬以侯禮

折衷于天
理人情之
至萬世可
行

孝惠錄

九月成穆孫貴妃薨詔禮官翰林考定禮儀皆云父在為母服杖朞若庶母則無服上以為不近人情命諸儒臣徧考諸書以報於是上親定制子為父母庶子為其母皆斬衰三年嫡子眾子為庶母皆齊衰杖期五服亦稍有升降編輯成書使內外遵守名曰孝慈錄○西番酋長獻葡萄酒却之賜文綺襲衣遣還○上謂廷臣曰草木無心遇春而茂盛遇秋而零落氣之所感

國之
孫若是
其厚也真
天地之心
五

猶知榮悴。況於人乎。崇禮侯買的里八剌南來已五載。今既長成。能無父母鄉土之情。宜遣之還。於是厚禮而歸之。選老成宦者。咸禮表。卜花帖木兒二人送行。復遣其父愛猷識理達臘。織金文綺及錦衣各一襲。買的里八剌辭行。上諭之曰。爾本元君子孫。國亡就俘。曩欲卽遣爾歸。以爾年幼。道里遼遠。恐不能達。今既長成。朕不忍令爾久客於此。故特遣歸。見爾父母親戚。以全骨肉之愛。又諭二宦者曰。此爾君之嗣也。不幸至此。長途跋涉。爾善視之。因致書與愛猷識理達臘曰。順天者昌。逆天者亡。古今通論。今日之事如此。君尚迷留不省者。

何蓋在至正之間。兵多將廣。尚不能駕馭。又被逼挾。今之衆壯弱。不過二萬流離邊境。意圖中興。君之謀畧。不知如何耳。君自度今時之權。比至正時。低昂若何。以此觀之。豈不愚哉。君以萬騎。或七八千騎。欲與全盛中國相抗。予又不知輕重若何。予謂君明天理。若能悟我所言。必得一族於沙漠。暫爾保持。或得善終耳。昔君在應昌所遭。幼子南來。朕待以殊禮。已今五年。念君流離沙漠。無寧歲後嗣未有。故特遣咸里等護其歸。庶不絕元之嗣。君其審之。

十月皇長孫雄英生。

○上御後苑觀護宋濂等侍。

上曰農事成矣。濂割曰國以民爲本。民以食爲天。陛下知稼穡艱難。念生民疾苦。實盛德事也。○置寶源局於應天府。錢文曰大中通寶。又令戶部及各省鑄洪武通寶。并禁民私鑄。犯者許將發銅送官更鑄。

南齊孔顓有言。奸人所以鑄錢。嚴法不能禁者。由上鑄錢。借銅愛工也。使銅不借多。工不漸貴。所鑄之錢。體厚而肉好。均製作工。而輪郭正。則本多費。故雖驅使之錢。彼亦不便。况冒禁乎。此塞奸之源。不可不知也。

十一月命徙江南民十四萬。以實鳳陽。上謂太師李善長曰。濠州吾鄉里。兵革之後。人烟稀少。田土荒蕪。天下無田耕種。村民儘多。於富庶處起數十萬。散於濠州。

甘露三降
于鍾山

鄉村居住給與耕牛穀種使之開墾荒田永為已業數
年之後豈不富庶遂移江南民十有四萬請鳳陽命官
監墾田畝以善長同列族吳良周德興等總督之○甘
露降於鍾山劉基作頌以獻

劉基甘露頌稱洪武四年十月甘露降於鍾山沾潤
草木榮若凝脂五年十一月又降今年春仍降如初
帝德動天
禎祥連見云

上謂儒臣曰老子所謂五色令人目盲五音令人耳聾
與聖人去太去甚去奢之類此語豈徒托之空言於養
生治國之道亦有助也但諸家之註各有異見朕因為
註釋其義至是註成命儒臣觀之○詔天下有司衛所

詔恤窮民

空手合淚
而出

撫念困窮
其飢渴也
已之心也

官功臣庶
子

官宗子矣
復念其庶
子何舉奉
篤厚如此

體訪存恤。詔曰：軍士為朕開拓疆宇，奮不顧身，沒於戰
場，屍不至家，竟無所依。父母年高，妻寡子幼，一旦拋棄。
至今不能存活。此朕之過也。民間經年避難，父南子北，
至今不能奉養者，有之。亦朕之過也。詔天下有司各令
具名以聞。朕當會居存養，使不失所。○官功臣庶子，詔
曰：古者爵有功，官有德，則爵分五等，其於世食祿者必
宗子承之。庶子則庶人也。朕有天下，諸子皆封王爵，立
國方隅。功臣庶子未有所得，其後無所存活者，有之。故
勅中書都府，皆爵以流官。倘後有能捍大患而禦姦侮，
則功人世襲，不在流官數內。或有不恭而怠事者，則律

聖主留心
人才如此

可謂上不
負君下不
負友

如憲章○命刑部侍郎李浩、通事梁子名、使琉璃國市馬○上御武樓、宋濂侍、上咨訪天下宿學之士、濂對曰、會稽郭傳、雖寄跡浮屠、誠一代奇才也、上顧之、未幾復召濂曰、郭傳之文、卿可持至乎、濂以文進、上覽之曰、誠如卿言、既召見、俾日侍左右、以備顧問、傳精白一心、凡可以獻替者、咸無隱情、擢爲翰林應舉、陞起居注、遷考功丞○太陰犯軒輊、占云、大臣黜免、上因諭中書省臣曰、爾中書、宜告各省衛官知之、凡公務有乖政體者、宜速改、以求自安、

高汝栻曰、郎官應列宿、誠哉是言也、姚三公九卿故中台星折、則張華應之、長庚人憂、則李白應之、趙普

舉卓異

董兵屯田

資世通訓

洪武政記

乃紫微垣一小星之類其應歷歷有驗即如元天寶戊辰婁宿降雷高皇以是年生洪武戊寅而婁星復明洪武元年正月彗出昴宿是年元運除舊太祖更新是昴宿實應胡星也正統己巳災感入南斗則車駕北狩弘治庚申夏彗犯紫微垣五尚書連鑣而去孰謂天道玄遠而不可稽哉

洪武八年正月各省郡縣人朝舉天下卓異以濟寧府知府方克勤有善政錫宴儀曹以鄭州知州梁敏廉能擢為工部侍郎遣衛國公鄧愈等往陝西中山侯湯和等往彰德真定拈揮馮俊等往汝寧指揮李謐等往北平董兵屯田○上謂侍臣曰朕欲化民成俗復古之道乃著是書以示訓戒命曰御製資世通訓皆申戒士庶之意詔刊行之○洪武政記成學士宋濂以上

訪窮民

選太學諸生分教北方國初重太學如此

立社學

教養兼備三代而下莫如太祖

所行關於政要者。編集成書。○命中書省行天下郡縣。如○傷○之○視○訪窮民無告者。月給以衣糧。無所依者給以屋舍。

三月命御史臺選國子生分教北方。諭之曰。北方喪亂之餘。人不知學。欲求多聞之士。甚不易得。今太學諸生中年長學優者。卿宜選取。俾往北方各郡分教。庶使大知務學。人材可興。於是選國子生林伯雲等三百六十人。給廩食。賜衣服而遣之。○時 聖以爲天下既已安輯。而化民善俗之道。猶有未備。乃下詔郡縣。凡閭里皆啓塾立師。守令以時程督之。命立社學於其雖窮居僻壤。莫不有學。○命刑部尚書劉惟謙申明烏鰲諭曰。

馬政令曰
廢壞極矣
安得尽心
之官修聚
此職耶

馬政國之所重。近命設太僕寺。俾畿甸之民養馬。期於蕃息。恐所司因循。牧養失宜。或巡行之時。擾害養馬之民。此皆當告戒之。昔漢初一馬值百金。天子不能具鈞駟。及武帝時。衆庶街巷有馬。阡陌成羣。遂能北伐強胡。威服戎狄。唐初。纔得隋馬三千。及張萬福爲太僕。至七十餘萬。此非官得其人。馬政修舉。故耶。爾宜爲朕申明馬政。嚴督有司。盡心芻牧。務底蕃息。有不如令者。罪之。

○德慶侯廖永忠坐累卒。

永忠以豪雄茂爽之才。虎視鷹揚之勇。濟之以計。深弘遠之畧。而成平光大奇偉之勲。觀其職友諒於鄱陽。繫士誠於吳會。服國珍而擒友定。靖兩廣而縛明昇。降王破國於指顧之間。斬將舉旗於談笑之頃。收

皇明生尊錄
卷六 高皇帝

遺疏

劉誠意真
以心爲國

聲定價直開國之元勳雖千古之名將不是過也
永忠論功當封公太祖謂其使人窺意以邀封爵
止爵爲侯而終獲謬累以沒
豈其所以居功者未盡善歟

四月誠意伯劉基卒先是上欲相胡惟庸基以爲不

可既而上竟相胡惟庸基大感曰使吾言不驗蒼生

之福也言而驗者其如蒼生何因憂憤舊疾愈增時惟

庸潛蓄姦謀淡惡基遣醫視疾飲其藥有積腹中如卷

石基以白上上未省也疾遂篤上遣使送基還家

僅一月而卒年六十五基未卒前數日以天文書授其

子璉使俟服闋卽進之戒曰勿令後人習也復謂次子

仲璟曰胡惟庸必敗我欲奉遺表無益也日後上必

以果如所

臣

當共一人

思我待有問當密爲我奏其畧以爲脩德省刑祈天永
命且爲政寬猛當如循環耳幸聖主留意基剛毅慷慨
有大節每論天下安危則義形於色知無不言每遇急
難勇氣奮發計畫立就外人莫能測其機上天威嚴
重惟基抗言直議不以利害休其中上亦甚禮基常
稱爲老先生而不名又曰吾子房也廷臣或有過失得
譴者基密爲救解而免又以文章爲當代首稱云○命
有司立張巡許遠廟於歸德州歲時致祭○以薛祥爲
北平布政司祥原爲工部尚書至是上以北平轄內
境民多貧乏有鬻子者祥卽責問所屬官知其所自率

造寶鈔

太后亦聰
聖哉

洪武正韻

皇明法傳金卷六

二十四

以官俸贖給主一切庶務嚴於責已薄於責人不尚華
飾不妄有所作不作無益事以害公私在任凡三年地
方以寧○詔造大明寶鈔時中書省及在外各行省皆
置局鑄錢鼓鑄甚勞奸民又多盜鑄商賈轉易道遠不
便上以宋有交會法而元時亦嘗造交鈔及中統至

元寶鈔易於流轉可以代鼓鑄之勞遂詔中書省造之

上初造鈔不就夢神告曰非用土子肝心不可上
憂之語馬太后后曰此甚易耳用國學文課置鈔鈔
就矣上曰何也答曰土子嘔心敬
出文完豈非此耶上從之鈔遂就

洪武正韻書成上以舊韻起於江左多失正音乃命

翰林學士樂韶以中原雅音校正之書成詔領行之

○皇太子攝祭皇地祇於方丘始用親製樂章

初國丘方丘樂章翰林所撰過
於藻麗淺文上遂更製之

保保可方
殷之頑民

吳雲亦有
守之士也

上仰觀天象因見青氣在趙分恒山之北北夷遼東之地遣使往北邊諭將帥使詰戎練兵嚴勅守備○故蒙古王保保卒保保自定西之敗走和林愛猷識理達臘復任以事後從徙金山之北至是卒其妻毛氏亦自縊死○元梁王使其臣鐵知院院等二十餘人使漠北爲大將軍所獲送京師上釋之命湖廣行省叅政吳雲偕行至雲南之沙糖口鐵知院等謀曰吾屬奉使不達中道被獲而還罪必不免於是共說雲令胡服辦髮詐

爲元使又逼令改易制書共給梁王雲不從以死自誓
鐵知院等知不可奪遂殺之梁王後知其事遣人送雲
骨還蜀給孤寺殯之○命皇太子秦王楚王靖江王
講武中都詔太子贊善宋濂長史趙壘等從既行上
閱輿地志得濂梁古蹟命內臣馳驛賜東宮書令濂詢
訪隨處言之皇太子至池河得上所賜示濂濂曰
臨濂古蹟惟塗荆二山最著皆在鍾離縣西八九十里
間岡巒相屬淮水繞荆山之陰神禹鑿之水始流兩山
間民免修阻之患昔人所謂觀河洛者思禹功此亦一
大觀也皇太子過中都乃往遊焉命濂作記其諸古

此所知惟庸之奸而發之者惟劉青田吳伯宗耳

甘露凡五降矣

蹟。濂。隨。處。進。說。甚。有。規。益。事。畢。還。京。師。

丞相胡惟庸專恣。以禮部員外郎吳伯宗剛直。不。屈。恐。之。坐。事。出。之。鳳。陽。伯宗上疏。論時政。因指斥胡惟庸罪。狀。不。宜。獨。在。以。政。恐。滋。久。爲。國。大。蠹。辭。甚。切。直。上。覽。其。奏。卽。召。還。

九月。詔。改。建。大。內。宮。殿。勅。有。司。務。崇。簡。素。毋。作。雕。飾。奇。巧。華。麗。臺。榭。苑。囿。之。事。以。勞。民。費。財。

十一月。甘露降於員丘青松之上。時。上。詣。齊。宮。省。視。

壇。塲。親。觀。甘。露。凝。脂。懸。垂。上。下。有。若。明。珠。命。採。嘗。詔。諸。臣。從。行。者。共。食。之。儒。臣。咸。獻。歌。詩。以。頌。德。上。曰。人。之。

御者甘露

常情好祥惡妖然天道幽微莫測若恃祥而不戒祥未必皆吉親妖而能懲妖未必皆凶蓋聞災而懼或蒙見休見瑞而喜或以致咎何則凡人懼則戒心常存喜則修心易縱朕德不逮惟圖修省之不服豈敢以此爲已所致哉因著甘露諭以示羣臣○發罪人工役屯種於鳳陽

令各處人民雜犯死罪者免死工役終身徒流者照年限工役其官吏受贓及犯私罪當罷職者發鳳陽屯種犯流罪者鳳陽工役一年然後屯種

十二月故元太尉納哈出入寇遼東都指揮馬雲葉旺知其將至命益州衛指揮吳立嚴兵城守命虜至堅壁

勿戰及納哈出至見城中備禦嚴不敢攻乃越蓋州城徑趨金州時金州城池未完軍士寡少指揮王富常勝聞虜至督勵士卒分守諸城門選精銳登城以禦之納哈出裨將乃刺吾自恃其驍勇率數百騎徑至城下挑戰城上發弩射之乃刺吾被傷悶絕遂獲之虜勢大沮納哈出慮援兵至退走以蓋州有備不敢經其城乃由城南十里外沿祚河遁歸葉旺策其將退先移兵祚河自連雲島至窟駝塞十餘里緣河壘水爲牆以水淋之經宿皆凝沍隱然如城藏釘板於沙中設陷馬奔於平地伏兵以待之命老弱捲旗伏兩山間戒以聞砲卽豎

劉青田亦
辭相矣此
等人品能
有幾人

旗令指揮周鸞等。各肅兵以俟。四顧寂寞。已而虜至。旺
等俟其過城南。砲發。伏兵四起。兩山旌旗蔽空。鼓聲雷
動。矢石雨下。虜駭。倉皇北奔。趨連雲島。遇水城。馬不能
前。皆陷入箝中。遂大潰。馬雲於城中出兵追擊。至將軍
山。畢栗河。斬戮虜人馬。及凍死者甚衆。旺等復乘勝追
至豬兒峪。獲其士馬無算。納哈山僅以身免。

十二月。上欲命宋濂叅中書大政。濂辭曰。臣無他長。
惟文學是攻。今待罪禁林。恩莫大焉。臣誠不願居要樞。
上愈厚之。燕見必命坐。賜茶。每日令侍膳。詢訪舊章。
講求治道。嘗召問廷臣臧否。但言其善。上益喜賞。

陝州人獻天書。斬之。○召致仕禮部尚書陶凱爲國子監祭酒。

立法嚴而
不苛開國
規模自大

省多少事
妙

丙辰洪武九年正月諭太子諸王修德進賢之道。○官吏獲罪者。上恐法司推讞未精。或其人因公誣誤。法雖難宥。情有可矜者。悉謫鳳陽梁泉屯田。俾歷艱難。省躬悔過。至是取梅珪等五百十八人赴京。命中書省量才用之。○太安州民於蒿里得玉匣內有玉簡十六。有司獻之。驗其刻。題宋真宗祀太山后土文。先代帝王致敬神祇之物。命仍瘞其所。

二月太白晝見。○遣使齋勸獎勞遼東諸將。擢馬雲業。

先見

旺、金爲都督僉事。○詔免河南北平、山西、陝西、浙江、江西、福建、湖廣等處安慶、揚州、徽州、池州等郡今年稅糧。○命中山侯湯和、潁川侯傅友德等帥師往延安、備元逋臣伯顏帖木兒、湯和等至延安。伯顏帖木兒請和。上命諸將悉還，獨留傅友德屯兵以備之。未幾，伯顏帖木兒果犯邊，友德設伏大破之，獲士馬輜重無算。

六月，以宋濂爲學士承旨，諭之曰：朕以布衣爲天子，卿亦起草萊，列侍從，開國文臣之首，俾世臣與國同休，不亦美乎？趣令取子孫官之以子璉爲中書舍人，孫慎爲儀禮司序班，復以濂艱於行步，選良馬以賜之。上親

明良相得
宛然家人
父子矣祗
覺賞花釣
魚賦詩者
得意處耳

作馬歌。詔羣臣咸和以寵輝焉。

上觀川流不息。陋

尹程秋水賦。乃更為之。召翰林諸臣觀之。令各撰一篇。

宋濂率同列次第獻賦。上皆親覽評品。已而賜坐。勅

大官設酒饌。內臣行觴。上顧濂曰。卿何不盡飲。濂以

不能飲對。上曰。卿姑試之。濂飲畢。上曰。更空一觴。

濂辭。上曰。一觴豈便醉人乎。濂舉觴瑟縮。上笑曰。

男子何不慷慨。濂一吸至盡。上大悅。須臾濂面頰行

不成步。上賦楚辭一章以賜。濂頓首謝。仍命羣臣各

賦醉學士歌以贈之。曰。俾後世知朕君臣同樂如此。

陞監察御史殷敏為饒州知府。

皇明去事錄 卷六 高皇帝

欽以國子生選入武英堂紀事授御史治尚廉明有惠愛故陞今官

欽天監奏五星紊度日月相刑下詔求言於是山東布

政使吳印海州學正曾秉正監察御史孫化刑部主事

茹太素等皆應詔上書陳言上擇其可行者施行之

吳印鍾山寺僧也有文學上親選命蓋髮拜官徑授方面寵之甚厚所言多從

山西平遙訓導葉居昇字伯臣乃上言三事尤切直云居

昇浙之寧海人聞詔謂人曰今天下有三事其二事易

見而爲患小其一事難知而爲患大此三者積於吾心

久矣縱不求吾猶將言之況有明詔乎卽爲萬言書言

三事其畧爲分封太侈求治太急用刑太繁書奏上

萬言書太繁予已進入皇明文歸今不贅

怒其疎間骨肉，逮繫刑曹，問狀病死獄中。

八月遣官視歷代帝王陵寢，命百步內禁人樵牧，設陵戶二人守之。三年一遣使致祭。○改各行中書省爲承宣布政使司。○議將征雲南，命潁州侯傅友德巡行川蜀、永寧、雅播等處，修治城郭、關梁，於是金筑、普定、中坪、乾溪等寨酋長皆相率來降。

十月有虎晝入漢西門，傷二人。上聞之，釋在京徒役。

○以李祺爲駙馬都尉，尚皇長女臨安公主。李祺善長子也。

黜莒州日照知縣馬亮，并訊汾州主簿樂成，以亮考滿入覲，州考其無課農興學之績。上曰：爲令而無愷悌。

之心馬用吏爲故黜降之樂成州考其能恢辦商稅
上日縣佐撫安百姓豈以一恢辦爲能州考非是命訊
之御史大夫汪廣洋陳寧劾奏韓國公李善長有罪
善長父子免冠待罪上日大罪不治則法無以立小
過不赦則人無所容善長國之大臣不能立身教子劾
之誠是但念相從之久宥之勿問

劾其上疾不視朝善長無問候之誠李祺六日不
朝宜至殿前又不施禮又日復營宅於主第之左以
居之皆家法
之不修也

詔改太廟從同堂異室之制前爲正殿後爲寢殿寢殿
九間以一間爲一屋奉安各廟神主時享歲祫則設累

朝帝后衣冠於神座而祀之。○吐蕃所部川藏邀阻烏思藏使者掠其輜重命衛國公鄧愈爲征西將軍都督沐英爲副將軍總兵往討之。○詔送蒙古官蔡子英出塞。

子英河南永寧縣人元季舉進士爲撫廓帖木兒所知薦於元遷顯官王師征定西撫廓帖木兒敗子英單騎走關中入南山有司求之得械送京師至江濱亡去至是陝西又捕得之械遇洛陽遇信國公湯和和爲禮和怒焚其鬚捫之終不屈其妻適寓洛陽聞子英至欲與相見子英避不肯見至京上命釋之授以宣英不受退而上書援引古今以禮義廉耻自勵上覽書愈重志命館於儀曹忽一夜大哭人問之故曰思舊主耳語聞上知其志不可奪勅有司送之出塞。